

Prvi zamjenik Visokog predstavnika Donald Hays poziva na izradu Akcionog plana zapošljavanja i investiranja

Prvi zamjenik visokog predstavnika, Donald Hays, u ponedjeljak je pozvao udruženja i zvaničnike iz vlasti da sarađuju na donošenju konkretnog, javnog plana mjera za podršku poduzetnicima, otvaranje radnih mjesta i unapređenje investicija.

Obraćajući se novinarima nakon foruma na kojem su predstavnici lokalnih privrednih udruženja o barijerama sa kojima se suočavaju razgovarali sa zvaničnicima iz vlasti sa svih nivoa u BiH, uključujući i ministricu za ekonomske odnose i vanjsku trgovinu, Azru Hadžiahmetović, ministra trgovine Federacije Andrija Jurkevića, generalnog direktora Federalne agencije za promoviranje investicija Mirzu Hajrića, te kantonalne i opštinske zvaničnike, ambasador Hays je rekao:

“U Bosni i Hercegovini ima dosta potencijala za rast; ona je bogata i ljudskim i prirodnim resursima. Problem leži u tome da vlada ne djeluje kao pravi partner, koji bi oslobodio taj potencijal.”

Ambasador Hays je rekao da dok političari i dalje drže ključ za stvaranje jedinstvenog ekonomskog prostora, biznismeni već rade na teritoriji cijele BiH. “Sve što oni žele je da se političari otarase apsurdnih barijera, kontradiktornih poreskih sistema, i korumpirane birokratske prakse, koji sprečavaju preduzeća u oba entiteta da ostvare svoj puni potencijal.”

On je apelovao na uvođenje bržih i efikasnijih procedura za registraciju firmi, bankarske reforme koja bi omogućila pristup kreditima, te neodložno donošenje zakona o zemljišnim knjigama, a koji se trenutno nalaze pred entitetskim parlamentima. "Zadatak vlasti mora biti da se razračuna sa korupcijom koja sprečava razvoj poštenog biznisa. Potrebno je dovesti do promjene mentaliteta, da bi vlada počela raditi tako da omogućava i pruža usluge svojim građanima."

Ambasador Hays je pozvao poslovna udruženja da se organiziraju kako bi postala jak sagovornik vlasti, i na taj način osigurala da se i njihov glas čuje.